



Þann 23. ágúst 2005 tók gildi endurskoðuð samþykkt um kattahald í Reykjavík. Markmiðið með endurskoðun samþykktarinnar var að skapa meiri sátt um kattahald í Reykjavík og fækka óskilaköttum. Samþykktina má nálgast á heimasíðu Umhverfissviðs, umhverfissvið.is, eða á skrifstofu sviðsins að Skúlagötu 19.

## Endurskoðuð samþykkt um kattahald – ábyrgara kattahald

### Færri óskilakettir

Á hverju ári berast rúmlega 500 óskilakettir sem finnast í borgarlandinu í Kattholt og er eingöngu um fjórðungur þeirra sóttur af eigendum sínum. Svæfa þarf um fjórðung en um helmingi er komið til nýrra eigenda.

Til að draga úr fjölda óskilakatta er eigendum katta nú skylt að merkja þá varanlega með örmerki. Örmerki er lítill kubbur sem dýralæknir kemur fyrir undir húð í herðakambi kattar og geymir 15 stafa númer. Umhverfissvið heldur skrá yfir merkta ketti og þangað verða eigendur að tilkynna númer örmerkisins og nafn eiganda.

Upplýsingum um númer örmerkis og nafn eiganda má koma til Umhverfissviðs í síma 411 8500, eða með skráningu á umhverfissvið.is.

Til að almennir borgarar geti komið óskilaköttum til eigenda sinna er jafnframt nauðsynlegt og skylt að merkja ketti með hálsól þar sem fram kemur heimilisfang og símanúmer eiganda.

🐾 Ábyrgt kattahald

🐾 Merking katta

🐾 Gelding fresskatta

🐾 Samþykki í fjöleignarhúsum

🐾 Tillit til fuglalífs

🐾 Ormahreinsun katta

### Í sátt við umhverfið

Í Reykjavík búa rúmlega 113 þúsund manns og hver og einn hefur sínar skoðanir á kattahaldi í borginni. Erfitt er að mæta að fullu kröfum allra en nýjum reglum er ætlað að skapa meiri sátt um kattahaldið. Samkvæmt endurskoðaðri samþykkt skal halda ketti þannig að ekki valdi hávaða, ónæði, óþrifnaði eða óhollustu. Ef köttur veldur nágretta ónæði, óþrifnum eða tjóni, ber eiganda eða forráðamanni að koma í veg fyrir slíkt.

Til að lágmarka tjón sem kettir geta valdið fuglalífi í borginni ber eigendum að hengja bjöllu á ketti á varptíma fugla eða takmarka eftir atvikum útiveru katta.

Fresskettir merkja sér yfirráðasvæði sitt með illa lyktandi þvagi sem oft veldur miklu ónæði og óþrifnaði. Til að stemma stigu við óhóflegri fjölgun katta í borginni og til að draga úr ónæði og óþrifnaði af völdum fresskatta er eigendum þeirra nú skylt að láta gelda ketti sína eftir að þeir ná sex mánaða aldri gangi þeir lausir utandyra.

Samkvæmt lögum um fjöleignarhús nr. 26/1994 þarf samþykki þeirra eigenda sem hafa sameiginlegan inngang, stígagang eða annað sameiginlegt húsrými, fyrir kattahaldi í fjöleignarhúsi.

### Heilsa og hollusta

Til að fyrirbyggja sýkingar í mönnum af völdum spóluorma í köttum skal ormahreinsa alla ketti árlega frá fjögurra mánaða aldri.



Merkjum ketti með hálsól og varanlega með örmerki.

Gelda skal fressketti eldri en 6 mánaða sem ganga lausir utandyra.

Gætum þess að kettir valdi ekki ónæði eða óhollustu.

Ormahreinsun ketti árlega gegn spóluormum.

Tökum tillit til fuglalífs, setjum bjöllu á hálsól katta.

Höldum ketti í sátt við nágretta okkar og umhverfi.

Ábyrgt kattahald auðgar mannlífið.



Tilgangur með gerð skráar um örmerki katta og eigendur er að fækkaóskilaköttum og auka þannig velferð katta og þjónustu við kattaeigendur í borginni.



### Skrá yfir örmerkta ketti

#### Er kötturinn þinn týndur?

Umhverfissvið heldur skrá yfir örmerkta ketti og kemur merktum óskilaköttum til eigenda sinna.

#### Að skrá kött

Tilkynntu nafn eiganda og númer örmerkis með því að hringja í Umhverfissvið Reykjavíkurborgar, s. 411 8500, eða á heimasíðunni, umhverfissvið.is.

#### Nýr eigandi?


Til að skráin geymi alltaf nýjustu upplýsingar er nauðsynlegt að tilkynna breytt eignarhald á sama hátt.



### Hafðu samband



Umhverfissvið Reykjavíkurborgar  
Skúlagötu 19 • 101 Reykjavík  
sími 411 8500 • umhverfissvið.is



FER KÖTTURINN ÞINN  
SÍNAR EIGIN LEIÐIR?



KATTAHALD  
Í REYKJAVÍK  
skyldur og ábyrgð  
eigenda

